

宋 忠 獻 魏 王 韓 琦 著

奉 勅提督軍政監察御史前翰林庶吉士安成尹仁校正
書啓

與文正范公論師魯行狀書

某啓辱教示及之翰所撰師魯行狀俾附永叔作誌文讀之思其人悲咽不能勝觀所載事又有與聞見殊不相合者大以為疑及閱尹氏姪子辨列則背某之疑者於是釋然無所恨而喜尹氏有人矣蓋善其憶公前書道師魯將亡時公亟往而謂曰師魯平生節行當請歐陽永叔與相知者為文字垂于不朽師魯舉手叩頭曰盡矣其復何言某又嘗接師魯言以為天下相知之深者無如之翰則於紀述之際宜如何哉今所誤書若不先由之翰刊正遂

寄來叔彼果能斥其說自以實書之則行狀與墓銘二文相矣不獨感于今世且感後世是豈公許死者之意果可不朽邪之翰果盡相知之誠不負良友邪嗚呼師魯有經濟之才生不得盡所蘊諳非其罪而死又為平生相知者所誣以惡書之是必不瞑于地下矣實善人之重不幸也且前賢行狀必求故人故吏為之者不徒詳其家世事迹而已亦欲掩此揚善以安孝子之心況無假于掩而反誣之乎天生則賣友以賈直死則加惡以避黨此固庸人之不忍為豈之翰之心哉但恐不知其詳耳然不知其詳而輕書之以貽今世後世之感使師魯不瞑于地下為交友者不得無過今聞之翰領江南漕必已離安陸顧公不以千里之遠速以行狀附還使詳尹姪之說悉刊其誤然後以寄來叔必能推而廣之使師魯之行實傳之光顯垂于無窮則公之許死者是謂踐其言天

下忘義之人皆有所勸公之名德益重于世矣幸甚幸甚

獻所業上兩府啓

右某啟某聞鬻弊帚於千金誠非自見薦朽株於萬葉允賴先容其有選儒微材崎嶇末宦久滯涸於窮路思振拔於滄塗而欲妄緝蕪編輕塵藻藜罔味之成飾俟獎勗以增榮雷門銜布鼓之音固非量力溝木享犧樽之用或預論材恭惟某官名擅八區體兼四業含辰象之秀德作社稷之元龜仁表五色之雲鬱為天瑞夏禹九州之鼎洞察神姦登環望以熙朝鼓懿文而緯俗以遠慮深善言國美以清微雅準鎮時風表濟之平六符陰陽克順洪鈞之動植無私而自更亮聖明度恭機密運尊主庇民之策雅稟仁輔義之誠魏相持衡海內歸於禮讓李膺當位天下宗其積稟膏者到隆巖瞻載協用能三精昭泰百度熙康贊瑤極以增

輝幹璿樞而自正九居鎔造孰不傾顛如某者質異如器同屈
瓠有斷斷守善之誚無超超拔俗之名腹背之毛豈飛翔之足用
圈牢之物雖視息以何為矧惟越在稚年奄丁先罰關漸詩庭之
訓右罹謫室之貧徒以篤志紉圖游精翰墨念家世衣冠之後慕
門藩筆紙之勤然而摘埴易迷滯隅多失見豺而戰在考實以終
疲畫虎不成幾失真而增累欲徇及親之祿爾專賤璧之心幸以
國家朝物著明車書混一興禮學而陶遠疏軒冕以宗賢舉宗周
論士之科獻能式叙啓炎漢得人之路署行駢臻濫充秀於神畿
獲程文於禁坐誤中乙觀之選叨塵甲等之榮匠局參司侯封贊
部曾微連最之效偶遭尸官之尤方代成瓜倏悲風樹鬱卷終於
喪紀復再齒於仕途所宜匿景下流齋絲外弄樂詠中和之職慶
修愛利之經伏遇某官揮沐灑仁 玉潔好善沛商霖而作潤胞
儻差徒深悚汗

謝直集賢院啓

鄒律以爲暄其是敢勉贅斐在直干鈞重猪苓馬勃庶采綴之未
遺蟲臂鼠肝亦生成而盡在儻借卿雲之惠實逾籠絃之褒內揆
右某啓伏奉制命蒙恩授前件官充職者麟殿飛綵驟玷登瀛之
列鷺雍繅組猥參鴻玉之行荷慈渥之至優揆孱軀而罔措寵靈
彼暨榮悴交深竊以壁府二星燦天章而盡在義圖八象示帝籍
之有開考遺篆之相泐憲豐規而迭紹聲明浸盛朝物增輝所以
周法命官志四方於外史漢庭典秘講六藝於名儒伯陽推藏室
之賢子雲富天祿之業遠開元之創曆啓麗正以崇英用能演暢
鴻猷詳延碩老會二長之謬譽釋四部之群疑矧屬魏煥丁辰熙
溥闡化備應古念舊之則帝紀言書事之官委問盈輶洞分於實

想爾鈔書遺集於珍祥加祿稟之載豐峻負程而式叙詠匪才
謨博瞻宏濶淵宏茂學際于天人精思絢乎道德叔駿之君祕省
自成十典之文仲恩之在宣剛克定五家之說則君以採奇禹允
造直嚴廬騰鞋翰墨之林接武鴻鸞之黨苟從虛授實浼清塗如
某者嘉善無稱其煩有素招叔夜頑踈之累負延之隘薄之譏徒
以絃冕承家締紉勸業捐縟待貴妄跋於清芬束髮從師常希於
善教第堅學冶姑務元宗偶嗣聖之凝圖肇臨軒而策秀四門啓
簞函陋必甄數路得人庶良並進幸升名於貢牒獲較藝於宸庭
曾微揆藻之工誤中決科之選樂士敢先於隗始飛聲辱在於盧
前匠監為僚侯封贊部自首公而賦政常蠲瘼以收懷千室鳴絃
宣布中和之頌一官為集坐隴述作之勤當奉計以言旋遂遭憂
而去職負米百里何追顧復之恩泣血三年絕念寵榮之事見鞿

蓋傷於欒棘窮詩途發於蓼莪主幣易遷衣冠倏變暨入趨於法
座獲再齒於官曹誠欲晦跡下流宣勞外役決水莫蘇於澗紉隱
情慮謂於寒暄是用妄緝蕪編輕塵乙覽遽明緒於宰府諧給札
於尚方玉署沉嚴龍峯邃密奉淵題而思軋睨俄景以魂馳賦乞
一聯豈擅凌雲之氣詩成三刻難借鑿月之才矧是蒙姿復有郡
雋青錢萬選互振於英辭頌鼠五能空呈於矩技在適妍之無取
誠報罷之是宜豈其神造曲成文衡協正謂鈔刀騁利足參赤董
之精瓦缶揚音或繼黃鐘之韻故得容臺命秩冊府登祭司藜野
之威儀玩金勝之祕謀雖文史足用慙無曼倩之能而英俊並遊
竊效枚生之樂被汪收之不次知題拂之有因此蓋伏遇某官粉
澤帝謨填堯睿律濡五潢之靈澗加一字之殊慶綴河將沉亟假
鸞霄之翼寒荻未變替回鳳律之春是使幽蹤叨歷臚仕敢不編

摩島志庶善存誠循考父之益恭究黃香之未見獻奇文於東觀
力慕前脩抽靈匱於秘宮更精博習上登高宗之惠次酬獎拔之
私過此以還未知所措

同前

右某伏蒙聖恩授前件官充職者絕野參司書山濛跡荷寵靈之
不次積震懼以無從竊以天祿崇英啓漢家之全盛瀛洲命俊贊
唐室之重熙必資開敏之才用闡洪寧之化苟容虛授實況清塗
如其者嘉善無稱冥煩有素幸對休明之世猥歷高妙之科丞匠
監以爲僚佐藩條而莅政方膺成代遽執親喪顧尺景之易馳念
素冠之倏變暨詣陞見再齒官曹安陳奏御之筭願賜程書之覽
蘭臺紀札玉署擢臺懸旆以非工諒采甄而何敢豈謂文衡辨
等禁坐宣慈驟進秩於容臺俾納書於秘殿內循忝冒抑自品題

此蓋伏遇某官嶰律回春星潢灑灑曲借齒牙之論潛加絃冕之
儀是使尋蹤亦叨殊命敢不摩編島志庶善存誠上酬天復之仁
次答已知之惠

謝知制誥啓

某啓伏奉制命特授前件職者諫囊陳事將隨歛官詞掖升榮遽
冒其寵恩出非望懼無所從竊以朝家之光典誥爲重出令不復
而猶汗當謹其初受命明之而如緡貴通乎體向匪代推傑筆名
贊珍祥省樹不言謹而無漏吏書將廢敏且有餘則何以徇翔清
切之司演裁深厚之訓申嚴百揆鼓舞萬方在選之艱非才孰稱
如其者人評素下門緒本孤早承先模得肄素業章句所守大道
弗明篆刻之爲壯夫攸恥幸屬叢雲啓日舞翟右文與上計以借
來預中楹之親策優塵辭等出碎郡條瓜戍及期方詣受代棘人

懷痛茲用去官逮於終喪勉而還職獲踐圖書之祕府旋嬰管庫
之冗曹越去儒英之躔甘從俗吏之役內史之治式於庶邦司會
之聯均乎衆用繼被使煩之任皆無與最之稱天子倦游徒傷四
壁仲容思出欣假一麾輒抗章而自陳亟爲郡而獲請上方垂意
治本樂聞善規訕狂必容芻蕘盡採留充諫署之缺專責官箴之
勤荷知特殊惟死圖報不虞摩上之過第竭愛君之心飽宣之疏
少文汲黯之言其意於其任直謂傾愚者之忠惡彼用方或陷凶
人之目倏踰歲閏無補朝猷縱寬田舍之誅宜取士師之黜豈謂
聖宸採善賢弼推公擢濟西省之居重汚高門之地內循叨竊抑
有寅緣此蓋伏遇某官左右昌朝靈官至化協助青莪之育復資
美質之和陶冶所宜不私於器輪駘之道各盡其材是使孤生亦
塵清貫謹當飭躬無怠砥節自修祇循四禁之文細究三盡之範

精述作之旨雖難與於古侔謹標履之常誓不牽於時變粗頌食
浮之謗仰酬銘造之私過此以還未知所措

謝復官啓

右某啓伏蒙聖恩特授前件官者以罪徙邊本惟勸後推恩復秩
是亦責功寵踰所涯感繼以泣伏念某學惟滯固性實樸忠偶竊
榮科遂塵膺仕有憂國奉公之志無干時求進之心誤被聖知游
膺器使而自氏羌皆惠帥府擇人不圖下材擢贊西略習俎豆之
事焉可語兵服夙夜之勞豈忘思職寸勤未立大咎已彰當隴坻
之撫師會兇渠之入冠亟呼諸將躬諭密謀但襲歸涂勿迎銳氣
何偏裨之競奮非節度之所從一至敗亡上挫威武世情樂禍謹
謗互興天量包荒含容至廣薄示貶官之典尚叨補郡之行惟秦
之旌爲塞甚重雜俗易變編氓久疲衆務必親庶將補過羣言未

引孰敢求伸豈謂當衰矜愚出綸命特申昭洗俾復舊職退量
忝冒之由誠出庶存之賜此蓋伏遇某官翼轸帝室左右皇猷統
綱菁莪樂育之仁借蟠木先容之惠是令棄物獲漸顯皆謹當策
厲篤材激揚壯節臨難無免有死而不回隱情以虞固國而加謹
一成拙效少答至公

謝觀察使啓

右某伏奉制命授前件官者責之扞蔽思正寵名委以察廉遠辭
近職恩靈所被感媿兼懷伏念某出於單門素無佗技偶塵科選
遂竊榮階不能從儒英之游自求安逸而乃親俗吏之事力奮愚
勤誤膺聖知繼被煩使惟許國之願效實營守之可知而自先隗
肆狂天兵議伐首參經畫備歷險艱暨降守於塞垣愈罄宣於忠
力寸功未立寵數游加驟分連帥之權彌登戎行之觀雖衆人之

論謂匪美遷在拙者之誠獨無過望蓋以寇讎未殄兵調方興宵
旰貽憂廟堂精慮使白衣而奮命尚所甘心矧清詔以宣風寧忘
樂職內惟忝冒全出獎延此蓋伏遇某官助樂育之仁奉仰成之
治文武協弛張之道邊鄙有左右之臣是使尋庸累叨甄獎敢不
講求多筭審定全謀勵貔虎之雄師逐蚊蚋之兇黨夙夜以報幾
錄於微勞銜弼惟公幸還於舊物唯堅介節上答宗工

上大名知府王龍圖啓

右某伏念鄉者獲預府僚備觀神政次公精力在彘密之必行廣
漢推誠縱僮仆而何避碩鼠之能甚短慶雲之覆彌光屬茲全魏
之封式重北門之寄幸求威望實賴綏寧暨增秩以云征固戀軒
之問及會補計廷之缺方迷吏凡之繁奏記殆踈頑顏滋厚近者
敢謂弗遺冗迹特除鈞國龍眷未移尚記原籍之舊褒言載美更

踰魯表之榮玩誦以還銘藏至永仰計奉細書而流愛獨茲瘼以
寧人壽宗稟諱夏有方御和臻粹恭惟某官忠清毓操明哲保躬早逢
吉於孝期存騰疑於顯著才猷益劭簡注郅隆而自尹正王畿恢
張治且效訛自息不煩鈞距之能狂獄無克動協寬餘之禁矧是
兩河之要居為萬督之防生版阜昌使輶旁午暨副任良之典在
宣鎮俗之風偃息為藩詎廢歌壺之樂彌綸作輔即君槐鼎之崇
唯祈上為邦家精調寢寤

代張若谷密學謝啓

右某啓伏奉制命云云者禁坐推恩曲加於散質樞廷寓直綴玷
於榮資荷寵典之載優撫尋軀而自媿竊以國家順積古道仰憲
先猷必登用於環才俾雍容於近列諒匪行能純正業履清修富
惟慙之高謀蘊天人之妙識則曷以揚旌旆仕注意嚴宸參夙夜

宥密之微預朝多論思之末苟從虛授宜卹群言如其者學昧經
綸氣非宏拔偃革幸丁於休運飛綬久冒於清塗平子佐時安明
於遠略世英補過粗整於勤誠拙效自伸殊聞莫著屢副百城之
寄繼持八使之權賢知息民固乏野王之詠澄清攬轡徒希孟博
之風何流衰之念庸復江淮之領漕未豐年蓄戩貳計庭析毫無
言事之功發乃寡投虛之利旋分漢竹出守井門俯塞侯以開疆
控股肱而作鎮布中和之頌但樂於熙朝宣愛利之經寧獨於衆
瘼暨終歲課獲覲宸闈奉三尺以評刑方遵審謹贊萬機而補職
遠荷甄陞遂得密侍清光峻躋顯著接武羸瘠之品登觀閨夢之
行內省黃緣實資甄獎此蓋伏遇某官闡隆肅畫拜輔堯仁寒谷
成暄咸均於煦嫗大鈞播物畢遂於蕃滋是令平進之流亦被殊
常之澤敢不虔修國檢恪奉官箴順禮文造膝之規謹易道失身

之誠上蒼雲天之造次酬槐鼎之私過此以還未知所措

代司封兄上昭文相公啓

右某啓伏念某選懦微才羈孤散質逢辰樂仕刻意脩方誤著片
勤累塵公薦書名無取浮食益彰爰自罷隸周垌出參漢竹辛類
景皇容覆直宰矜全粗述賸政之尤再易週年之律而復門表作
溥福鮮慶多鶻居坐困於羹藜鴻序奄悲於風樹棄芻委路分爲
樵爍之資茂核升詩絕希薪槲之用阻覲延賢之館踈馳奏記之
誠蓋擯跡之至勞懼躡尊而取戾茲者敢謂台光下燭鈞誨猥頒
裸夷式責於龍章寵踰褒綬陰谷重回於鳳律煦及興茲捧由增
耀於宗間報德誓捐於軀命此蓋伏遇某官調元履茲當輶蓋規
居承夫象極之崇闡揮沐吐餐之惠樊仲之彌縫袞闕允緝洪猷
巫咸之保乂王家宏恢全業凡屬在銘之品咸膺造物之仁是致

馬爲曲加存昂輟耐方諧於決潤死灰猶望於重然敢不謹布民
經恭持國檢滯涸窮路偶延九死之期振拔滄塗實賴一陶之化

代崔勉寺丞謝轉官啓

右某伏蒙聖慈授前件官者十銓第課奏最無聞九棘詳刑推恩
載溘荷寵靈之曲被撫頑固以彌兢竊以國家詔爵惟公懋官有
典樂賢與詠育材之道斯隆責實甫規畫餅之名不用諒匪行能
絕備業履清修奇謀精究於吏方雅望素高於人聽則何以密預
山公之啓過垂魯國之褒力致榮塗坐階懸任苟從虛授宜恤群
言如其者九偶無堪羈孤自進鈇刀一割難磨鈍以終疲頑鼠五
能蓋爲技之皆下徒以家承統冕學勵絲緇遇聖旦之右文齒士
卿而論秀楓宸較藝叨遂於決科羽檄從軍遠諧於策仕粗伸拙
者之效敢期國士之知屢易歲芳免羅官謗暨考庸於選部復訟

於天輝俾聯榮於月寺幕中參畫罷裁飛箭之言膝下承歡兼慰
循陔之養此蓋伏遇某官虛枯振惠獎善居懷特先睹木之容大
借卿雲之蔭疲駕倍價時加剪拂之私寒公為暄潛煦厚均之律
致茲真賢猥玷徽章謹當恪守朝經祇循士檢佩章絃而作誠舉
務協中飲冰蘖以存誠動思絜矩上答乾坤之施次酬知翼之仁

安陽集卷第三十七

安陽集卷第三十八

宋 忠 獻 魏 王 韓 琦 著

奉 勅 撰 晉 書 文 監 察 劉 之 勳 韓 琦 王 安 成 尹 仁 傑 正

書啓

昭文相公以下十啓
代司封兄

右某近親進奏院狀報伏審某官肅奉制恩榮加寵典恭惟慶尉
竊以登槐鼎之任注意斯崇躍龍鳳之池德賢式重而况翼宣盛
美扶助神靈昭成弼亮之勲顯對淇寧之運駢膺異數胥協至公
伏以其官茂德鎮時純誠體國負尊主安民之業持秉鈞當軸之
權而自位冠中階功先上袞三辰順慶慶調燮以凝猷萬物遂宜
致幾康而洽詠果見巖瞻增聳棟用彌隆嘉黃閣之奮庸峻紫垣
而命秩憲侯修職方興禮讓之風樊仲幹邦永著將明之效其夙

叨鈞煦適繫郡條燕賀屢以居多徒深竊抃金在鎔而固間更仰
裁成

集賢相公

右某近觀進奏院狀報伏審某官肅奉堯綸再調商鼎恭惟慶尉
竊以乾台上炳衆仰於三階宰府中嚴位尊乎四近矧復素賦
體貌動繫諮諏示注意之莫先顯奮庸之彌劬爰推異數允屬宗
工伏以某官廟器淵宏棟材隆厚茂著直方之德遐恢燕翼之謀
嚮者成務機衡均榮拜翰九河疏濶方惠俗以凝猷十乘宣威荐
陪京而作鎮用能兩宮疏寵百辟具瞻既增秩於天臺履燕榮於
書殿山南將明之業大憲周邦都侯信謹之規永寧漢室曲加台
煦屢賜齒隣疲馬戀軒莫展馳驅之效大約播物更資軌造之仁

中丞

右某自審光膺節口入覲帝暉三獨坐之持綱允歸素望七諍臣
之命秩駢集茂恩顧惟滯澗之蹤適因沉迷之務尋疎奏記但頌
得賢恭惟執邦憲以不回輯天祺而載厚伏以某官材推棟幹德
重摺紳負經世之沉謀對彌文之景運而自首居儻選高視貴涂
益注意於疑嚴海奮庸於中外尚抑燮調之任方居彈擊之司蹇
蹇王臣式著匪躬之節赫赫師尹佇符維石之瞻內揆單平永希

甄育

轉運賀冬

右某伏以魏亞歲朝魯書曇物清臺考雜候之課瑞功切珠躔黃鍾
推六氣之元溫來鳳律恭惟某官才謨秀博風宇疎凝隆林坐之
眷懷奉使臺之經計懿綱盡舉徽績滿光踐長方成於靈辰席寵
行躋於近著其猥居應泰儼守防封修府謁以尚遠頌神慶之益

固

洪州知府學士

右某伏念恪職方州搖旌府署顧休文之薄官幾歎崎嶇仰彥輔之高天阻披澄澈屢重芳籥關貢單函矧曠度之斯容諒尋蹤之未棄緬惟布寬書而有裕暢和液以胥登恭以其官器宇闊深機靈爽邁荐幹流錢之利聊專分虎之權恢牧人御衆之才適蠲衆瘼應開德宣符之曜行副具瞻其早序後陳正遙仰懿懷風企德空馳託素之誠彈冠振衣翹俟優賢之命更冀順茲時律精保粹襟

昭文相公

右某伏念某僻分封守越在江壖仰符曜之熒煌徒希委照觀槐庭之邃密莫效趨隅恭惟副兩宮求治之懷舉三事調元之職休祺協茂美實增和伏以其官燕翼凝猷柔嘉蘊德胡公作輔天下仰於中脣魏相持衡海內歸於禮讓聿樹鴻鈞之化永降巖石之瞻伏祈上為廟朝府遵時令萬機兢業更賴於弼成五福康寧彌資於嚮用

集賢相公

右某啓伏念龜守淮瀋坐移春律曠時修問蓋懼瀆尊以日傾心徒知養德仰計弼成天下之務勤宣堂上之謀中外以安福遐增厚恭惟某官以文武之材臻世治以公輔之量鎮時風一人倚為股肱四海望為霖雨唯均調於寢膳以保乂於邦家禱頌之誠倍百常品

學士

右某伏念典城攸繫蔭宇尚賒登元禮之門早承於容接闕公幹

之簿方歎於沉迷久踈託素之儀第積懷風之想仰計燕居多裕
雅履軌和伏以其官志度淵英器懷沉密襲充閭之善慶騰歷
塊之脩涂紬石室之文方凝懿效沛楓宸之寵行踐貴階更祈順
春籥之載昭保神襟而自重

安撫待制

右某伏審某官高擁使輶遠綏淮服徇行風俗究民瘼以咸蠲宣
布詔書迪宸恩而載厚恭惟上副穆清之念適居蒙犯之勞粹頤
救寧冲祺舉集其猥分州任僻介江壩企雲陰以非遽下郊迎而
在適更祈俯順時令精調寐興

鄂州知郡郎中

右某伏念匪遙英範熟聽休聲公幹之簿沉迷商嗟堆案老輔之
天澄澈莫遂披雲旨謂猥沐降慈荐貽芳訊認遜勤之載厚實統
佩以徒深恭惟樹風愛以彌光宗固祺祥而協茂伏以其官才謀
博瞻韻宇踈凝楓宸夙厚於眷懷竹使聊膺於寄任布六條而問
俗已決殊聞走三節以奉朝行躋近列顧韶妍之向暮接談對以
尚餘倍寔珎願式符慶頌

狀元大著學士

右某伏念曷自淮南砥鼎接仙馭之靈蹤穎陰聚星闊朋簪之勝
會悵一官之異守憑尺素以幾稀企德懷風惟日為歲而復門表
祚薄途泰命屯合符方代於瓜期毀皆遽隴於荼苦奉消塵之孝
曷報劬勞託手足之親始成消瘳繼審踐司文之祕署參集雅之
雋游邀仰殊遷徒深竊抃緬惟陪豫游之多暇介神社以胥寧伏
以其官體淳淑之姿負宏傑之氣擅天人之奧學權對無階揭日
月之大名逢辰自樂方由匠局出贊侯藩隆黼座之汪懷應銜車

之趣召亟上千篇之奏旋紆二月之觀給筆蘭臺揮鈔玉署漸鴻
鸞之黨引籍金匱紬龜龍之圖影纓麟殿方且儀形闡彥表的書
山獻東觀之奇文時宣盛德借上林之全樹密占芳栖峙見賢須
聿興帝墳增煥飛翠綫而拖鳴玉坐政身衢登紫闥而侍北辰日
承清燕允彰瓌望式慰輿情其早序後陳喜聞嘉遇莊漠載運諒
翔翽以何攀原野未遺冀亡簪之在念尚遼款拜良切傾顙

詳議殿丞

右其伏念屬自禁座掄材接荀龍之懿躅侯封替守邈于駟之高
闕拜風格之攸陳鬱心靈而第極官曹是繫客素罕憑重以調薄
之材屯蹇尤甚適及成瓜之代遽纏風樹之悲泣血未停凋年已
逝仰計首公暇豫味道粹登伏以其官志度淵美才謨高正早飛
難於膺仕亟騰逸於身衢三尺持平務究寬賒之法九清沛寵行
臨顯近之班兼審狀元學士乙奏尚方試言平樂陟仙瀛之祕局
造蓬署之清資錢萬選以馳聲式欽嘉遇弁一彈而樂用彌積歡
棕尚阻披承翼加頤衛

淄州知郡學士

右其伏念昨以絕奉循陔之養遠依同氣之親貌在淮壩負造鈴
府王粲自離於荆渚無所銷憂惠施方視於濠魚未能知樂屬襄
麻之在夜固鱗翼之罕憑敢謂弗替厚薄遠頌珎誨欽奉降挹第
極醜藏備聆政迹推優神襟集慶恭以其官負宏傑之器稟醇和
之靈式縻鳳署之英才暨委虎符之重寄杜氏以夾河爲郡交喧
愛衛之誥揚君以垂組夸鄉俯接維桑之地惠利已凝於殊績危
鴻將沛於茂恩沛異遵調少符顯繫

運使郎中

右某伏念昨者執管背之喪因而去職觀堂跼之戚久矣雖詳覲
眷魚梁謀飛鷁權屬揚舲於楚甸偶按郡於海瀕冒柴毀之容敢
修名而致謁辭社淵回之度歲坐傳以見延使旃言旋賓霜再伏
承顧眄而倍價被獎勗以增榮旨酒嘉穀辱升堂而示禮辱丹勃
懺俾破浪以無虞荷博濟之惟優固厚銘而斯極茹茶飯切奏記
有稽恭以其官球序融輝嶽神鍾秀對文物歲蕤之運挺棟梁礫
柯之材聿奉帝俞出分邦漕范滂以登車攬轡自肅提封桑羊以
據相運籌行膺慈寵更祈俯順氣序謹調寢興

楚州知郡都官

右某伏以昨以絕奉循陔之養遠依同氣之親幸假道於懿藩得
趨隅於盛府過駟龍之增紀愚衷荷靈之念方深奏記之儀僅
闕緬計樹教條而流愛固祥履以延禧恭惟某官稟醇和之靈厚
寬中之性臺閣夙推於素譽搢紳咸絕於高芬式奉帝俞顯分邦
寄仲寶之若有神道必研輕重之幾子幹以深達故宜居存清靜
之務惠利已凝於殊績虎鴻將沛於茂恩仰冀遵調少符瞻願

海州知郡都官

右某伏念荷傳勳趨府負縣音驛馳誠濯沉波之未達風旌結
念固引領以方勞緬惟政績茂宣襟靈暢伏以其官冲純毓德
發利凝猷富經國之遠圖抱牧民之良幹剖符統務式彰文紀之
英才增秩賜金行舉孝宣之故事春序融燠賓墀阻脩冀遵願衛
之方少緩瞻願之素

宿州同判屯田

右某伏念披樂令之雲天方遙晤對仰謝庭之蘭玉仍接端照屬
衰杖之疲懷闕飛鱗之託訊緬計樹風多裕履道彌冲伏以其官

理擅民宗才經世務應積星之上列贊分虎之近邦採木銷金聊
宣於善化舒紳緩佩行陟於近司屬夏茂之有初翼天倪之是保

秀才社

其啓蘭薰菊耀久栝於高芬玉潤冰清仍騰於茂族眷美疆之基
涵貢柔削以僅疎屬在哀榮殊非簡傲仰計貴陰勵業毓性軌
和秀才即狀元繡組成文珪璋範德早副命鄉之薦尚淹博海之
程矧國家魏煥宣猷暉昌啓旦崇英逸偉方求應務之才發策決
科佇塞祿賢之詔更希願衛式慰傾祈

轉運祠部

右某伏念邇者幸屬天倫遠分郡政方謀趣治旋會按行暨獲趨
塵亟承段楫載荷優隆之賜永銘頑固之懷仰振舉於列城諒便
蕃於景福恭惟某官才謨偉世望實光區總善部於中臺登要權
於外計聿豐經用載洽殊聞子博持綱清詔克申於雅志千秋作
輔富民行啓於真封更祈順嚴律之有初迪粹襟而自重

撫州臨川知縣寺丞

右某伏念屬自禁座論材誤疎前芻之謂侯藩公謀遠參剖竹之
榮若若官游說焉風會加以門裴祚薄塗泰命屯合符將觀於芝
庭累豐亟延於賞背羈孤至此言叙何從荐易芳年踈馳短札豈
謂猥蒙冲春遐枉珍題荷降挹之兼常第刻著之惟永仰計首公
多裕毓性軌諒宜伏以其官德牧瑞儀韶英正韻適分曹於棘署
聊賦政於雷封千室鳴絃已布阜安之化四門啓籥方延駿茂之
才希順迪於粹襟佇願登於貴仕其爲企頌曷既剖陳

光州知郡狀元學士

右某早者寓跡中州趨塵上館文暢之才具美載挹英風相如之

騎其都繼踵窮巷暨首涂之斯迫下齋刺以莫遑近審光奉綬章
顯分符寄適黃堂之視政諒素履以軌和恭惟某官桂苑橫飛
蓬山獨步鑒局尚於夷遠思理稟於清純前賈席以問釐方隆寵
遇厭歲廬而出守輒遂偃藩已鳴千室之絃亟成旬日之化鋒車
趣召行膺用板之恩鳳掖司言好演明縉之命更祈冲衛式副虔

明州同判屯田

右某啓伏自樂棘餘生再塵於仕籍青莪養育猥廁於英游顧亥
豕之未分復管庫之爲役神標邈爾俗狀紛然欲一致緘滕少道
惘惘其如休直相半出納互繁陳孟公之口占胡能有意陶士衡
之手香豈逮如流矧通怨之可詳匪怠驚之加責恭惟中和樂職
慶利及民當九夏歌炎之辰輯五福康寧之用伏以其官天才開
敏氣宇疎明整關掌於郡條已著聞於風迹庀劬載發適彰投刃
之功漢席方虛彌渴受釐之對即膺迅召入選近班川塗阻長圭
簞遷寶首公之外緒性是宜

相州知府學士

右某伏念屬自某官輟從劇任出鎮名藩懷紱之鄉固爲於時寵
歌襦載路詠洽於民歡仰惟化醇俗以惟和輯純禧而益厚伏以
其官才謀自任強濟有聞荐總要樞君成懿效運計籌而商利克
羨邦財奉使竹以班條方隆政迹佇沛庀鴻之寵入歸嚴近之班
惟異順時少符延想

舒州知郡郎中

右某言念伏自某官辭計部之繁領州符之重遠茲慘袂俄及湘
年致問絕疎馳精罔暇恭惟政發其譽化理於民生臻平簡之風

舉集冲休之福其官器德蕙劾才謀自高早推應務之能游被使
煩之寄居閭異最動振淑聲求名部以班條方資優息委細書而
被寵即覲凝嚴惟希善養粹和少符詹詠

狀元正言學士

右某伏念自審其官陟帖纏悲棄官行服悵便風之寂爾奉慰前
以闕如復以守藏所縻繼日鮮暇望神標而負越走俗狀以空疲
雖欲一致緘勝少導困臆其如筦庫之任米鹽其繁窘於五木之
拘涸若百函之意諒寬明之可悉匪怠驚以見尤恭惟春律布和
家居鮮味雖孝思之罔極在禮典之不踰佇見隙駒終祥詔鳳甲
渥入躋雍容之列峻陞清切之司川塗阻長圭籥遷逝善為開抑
勉自保頤

楚州知郡都官

右某伏念竊吹書山日甚空疎之誚播旂郡閣坐違英約之姿矧
惟蘭玉之親仍締葭莩之援馳誠僅闕負刺彌兢恭惟觀省民風
無宗明洽體當砥節首公之暇得養和復順之宜伏以其官性行
淑均才謨高正應積星之上列持分虎之要權熊軾班春已洽愛
棠之詠鳳書申寵行鷹用板之恩更祈順韶律之惟和迪粹襟而
自重

運使學士

右某伏念時駒易馳神峯負隔抗塵容而自效煩使增勞具短札
以為儀空函罕致諒茲寬悉以恐頑疎近者輒上奏封懇圖州任
天仁從欲適下於俞音諫局備自俄愕於溘命退惟冒寵誠出更
評豈謂過沐周勳特頒誨檢曲形光藉第積醜臧仰緇部之多
餘固道彊之彌厚伏以其官才謨敏瞻識局該圖兼資鯁亮之風

簡在顯昂之眷暫應溫詔移總懿綱八使中威已振澄清之譽九年足用即觀紅衛之饒矧洽殊聞行躋近列璧升嚴律增企禱游萬異遵願少符言頌

江西運使兵部

右某伏念倏睽粹度俄及蕭辰歲補無才方懼尸官之誚澄清在聖已隆按部之風近者伏審三載疇庸五兵峻秩九叨契愛之分舉增驛傳之悚恭惟經書多餘登祥茂集其官況明毓性端亮馳稱攬總申威大康於遠俗折毫商利彌衍於宏謀作成績之有嘉聽褒恩之在邇唯祈順序少慰翔誠

壽州知府學士

右某伏自某官輟從劇任榮領便藩顧歲補之無才日愆充位仰寬明之樹化時用偃風催疎裁記之誠者後難群之恨緬計布民經而有裕丁酉序之云初塗誦載歡神肇舉集恭以其官才猷自任端介不回早從仙室之游暫奉使適之寄閑閣而治方從偃息之懷趨節以朝行被褒優之命伏冀俯順氣候精加葆調

知府密學

右某啓其屬者誤被宸恩擢司明命演帝綸之重方媿空疎備使際之行遽叨簡任其榮甚過所貴未勝辭避莫從憂惕蕪至暨治表之云迫實裁記之未臯蓋主上以仁洽中區惠先遠俗勤詢歲早貽側聖衷慮生籍之流庸傷物價之騰躡雖歌禱之化固久服於民心而榮傳所過庶感知於上意通蒸程而虔命將入境以傾風政謂猥沐殊私豐貽精翰仰認履誥之德舉增為感之懷欵奉有期瞻杳無已

永興招討大尉

某啓此者誤應朝選叨貳使獲蔭德有階是爲天幸度才無補第
恤人言嘗裁記以通誠即治裝而引道已度嶺函之險式瞻秦雍
之雄掃舍人之門將修府謁啓元戎之乘行託車塵欣望所深實
倍尋等

同前

某啓屬者暫違節下入奏廷中達將闡之謀雅符於上意曠柄臣
之論盡協於前籌奉成筭以出都指歸涂而促駕屢承教問曲示
眷存內惟鄙庸敢忘兢荷棠郊在望已及於提封運府多賢即陪
於高議

同前

某故保邊無狀被責爲且忽奉詔函俾趨宸闕顧勳庸而何有矧
疆場之未寧累上奏封願留職任至誠斯切成命莫回雖軫傳之
載馳但心顏而自媿豈謂不忘齒記先敷教函過光宗愛獎之私
益重謙尊之德此蓋某官翊隆大業稱引後生謂嘗備於屬僚每
借延於公論致茲羣瑣誤玷寵光期入覲於威頌方再陳於讓懇
未遑多叙徒積厚銘

鄆州赴上謝兩府

右某啓近奉勅移知鄆州軍州事已於今日五日到任上訖淮南
善地所寄已優汶上名藩被恩彌重內惟過幸誠出先容此蓋伏
遇某官以道佐時以仁恕物軫其疎外曲有借憐致茲易地之行
實垂陪京之近敢不心存愛利力服忠勤勉師循吏之爲庶答大
鈞之造

乞致政上二相

冒榮過分得疾早衰雖叨鄉里之爲州亦苦膏肓之肆梗不求安

退是速陰誅比瀝血以奏封願賜骸而就第愚誠已至矣言未回
此者伏遇某官道輔唐虞德高夔契以萬物遂宜為至樂少一天
不獲為深憂幸此孤尋嘗攀雅舊敢望察其素實閱以病軀請力
丐於休閑知事非於矯妄特加公論曲賜先容述真懇於上前必
垂恩可救餘生於言下實賴於全內惟犬馬之殘年曷報埃銜之
大惠

安陽集卷第三十八

安陽集卷第三十九

宋 忠 獻 魏 王 韓 琦 著

奉 勅 提 督 軍 政 監 察 御 史 前 翰 林 庶 吉 士 臣 尹 仁 校 正

書 狀

大使回諸州去日遠迎


右某啟此者肅將朝命遠奉聘儀方道出於藩圻即刺通於候舍
猥承隆念先枉珍題認降挹之有加固悚藏而斯在

副使

右某啟此者睦隣修好展幣戒行顧名部以經塗辱芳函之垂問
即詣款瞻彌積欣銘

大使回天雄軍澶州二運使去日遠迎

右某此者聘結歡隣叨奉建禮之命塗經會府即申修刺之儀豈



原件短缺

謂過沐隆慈曲頒精翰荷遜勤之良厚固欣悚以兼常

副使

右某此者叨聯使節出奉聘儀已促征輶言由盛府豈謂俯回眷念特賤函封幸趨拜之匪遙固欣銘之舉集

使副回去日不經歷州軍遠迎

某啓此者祇奉朝綸出修鄰聘過承厚念遐枉芳題載欽冲挹之私但積悚藏之素

大使回諸州回日遠迎

右某啓此者拭玉修歡甫成於聘禮回轍即路再歷於名藩豈謂殊私先貽妙翰仰荷遜勤之旨豈勝銘悚之懷

副使

右某此者已達聘儀再由郡境修名致謁即叙於賓筵馳使裁減

中京謝皮褐衣物等表

祇膺恩檢就賜珍裘被寵兼常撫躬增惕中謝伏念寶隣胥協信幣交修屬冬律之方嚴眷使輶而加念式頒寒服益示至慈遠茲騶隸之行亦均輕暖之賜欽承厚禮實感丹悰

謝館宴狀

都畿宴止方循即館之儀牢醴具陳亟荷宴賓之禮仰鴻私之曲被銘丹悰以良深

謝發賜酒食狀

璧琮爭聘甫及於名都有驛均恩俄推於厚齎仰欽慈渥但激鄙宗

謝酒果狀

乘輶講好後館修儀猥荷眷仁存推恩賜載挹醇醪之味仍均芳

實之珍優禮所加悚銘斯至

謝春盤膳勝狀

緹律回春青陽戒節鏤勝俯遵於俗尚雕盤瓘錫於時珍上荷恩私至深銘刻

謝生餼狀

旌輶就館方展於聘儀牢積在庭爰豐於餼禮仰銜恩惠伏積疏銘

謝射弓筵狀

百名將幣式奉於鄰歡五善講儀恭陪於射禮仍浹示慈之宴彌欽觀德之容上戴恩私伏增銘悚

謝餞筵狀

拭璧修歡既講聘儀之重回轅即路仍推宴餞之私荷恩惠之載

周在感祭而兼至

回燕王狀

玉幣申歡獲將於慶禮椒蘭飲德即奉於英標豈謂殊私先貽妙翰載認為勤之旨伏深感著之懷

副使

來書聘儀謹修鄰好言由盛府將奉溫儀認謙禮之載加厚榮緘之凡問其為悚荷曷既數陳

回中京留守狀

載擅將命方塵于隰之行促駕經途載仰維垣之重敢期英念先枉珍函認謙禮之彌加固銘懷而斯在

副使

獲貳使輶嗣修時聘屆名城之甚適沐芳翰之見臨為禮至慶感

懷增厚

謝燕王請赴筵狀

受書讀信方歷於名都折俎申歡過光廟宗於厚禮仍貽芳翰由示
寵招即諧款奉之私但切欣銘之素

副使

參持慶幣獲看樂都過形削饋之勤由示犒賓之禮載欽嘉召彌
極感悰

謝中京留守請赴筵狀

適停輶馭甫憇都城俄推置醴之勤仍沐裁緘之召永言銘載豈
易還宣

副使

修聘寶隣停驂會府遽承芳檢由示寵招荷三禮之載豈真感悰

而增厚

謝中京留守餞送狀

年聘成儀使道復命都城就館重煩延接之私祖帳飛觴彌示眷
勤之厚仰欽優待增極鄙悰

副使

獲馳介乘欽奉隣歡方揭節以言還沐至郊而為餞感藏斯至染
述奚周

謝燕王餞送狀

已達聘儀再由都會荷眷勤之彌渥加宴餞以過豐其在銘懷固
非勝道

副使

參修聘問回蘇都畿遠修祖道之儀實厚送賓之禮其為悚佩無

假開陳

安陽集卷第三十九

安陽集卷第四十

宋 忠 獻 魏 王 韓 琦 著

奉 勅提督 監察御史前翰林庶吉士安成尹仁校正

制詞

中書試制詔三道

邊鎮節度使加同平章事制限上 百字

門下朕奉承先猷統理四海雖兩階之舞惟文德之內修而十乘
之行亦元戎之外倚向匪功名自立忠義無渝負全師保勝之謀
得守塞安邊之策則曷以委之扞蔽假以綏懷仗節臨戎方號軍
鋒之冠承天象極宜兼鼎席之崇甄於爾勞蔽自余志用涓良日
敷告廣朝具官某個儻不群方毅無撓蘊沉謀而必斷持勇節而
其高練鈴決之符兵韜盡達贖詩書之府儒術兼優中外迭更恪

勤罔懈間者顧守方之要擇制閫之行以文武兼備之才應左右
皆師之選較于近著建以高牙而能安輯封垂訓齊侯伍申令惟
信均饗必豐運籌先決於帷中所賜率分於麾下無開生事之際
將成殄寇之勳偉望益隆休聲日至朕代天理物制祿勳能任功
是圖在賞奚吝若是用即軍而頒命加寵以旌賢俾參三事之際實
惟萬夫之觀於歲將相之任為臣極榮疆鄙之權所寄良重吾恩
甚渥汝報可知無煩訓辭惟自勗厲

中書舍人除御史中丞制限一百五十一

勅南臺風憲之重中執大夫之臣彈治非法表儀群官必取嚴明
自修方重不撓者以稱其在我觀髦彥僉實宜之具官某文雄學
優材敏行繁深明當世之務兼蘊幹時之謀而自砥節仕塗奮膺
朝路處議必當居官可稱委之使煩繫根以別乎利器察其守道

白璧無求於厚瑕勳者權于近習進處西曹專典命書且觀才業
而能發揮溫雅之號演明深厚之辭朝采益光吾訓增重矧以編
摩之暇間陳忠鯁之言誠存告猷事亦光體宜絲四禁之任往
司三獨之權爾其振緝紀綱張大職業守正則補于予治持祿則
瘼于爾官務求厥中毋忝休命

誠勵風俗淳薄詔限二百字

夫華文變薄者興治之大砥名礪行者為士之常故清淨則化行
端慤而名顯康世道俗率絲斯與朕保宥獻輯寧區域納上穹
之祐衣前人之言以周文之小心漢光之彙道惟競惟業勸覽萬
機曷嘗不光本體元廢奢長儉推行忠厚之教光任廉良之
人蓋將欲抑浮偽之風崇禮讓之訓嘉與宇內同錄是塗然而人
性易流俗尚難一久安涵養之惠寔啓澆漓之源多行險以萌榮

作擇利而安己人或有善蔽之而不言官或任權森然而爭附護
姑求勝朋比相高苟茲蔽之弗俊實有邦之甚憂是用特申明諭
編飭多方各宜履道求中飭躬希古罔沽譽以干進思首公而盡
規官之修則上必聞效之實則名自至朝有祿位本觀賢才儻行
己以母邪在旌能而孰吝告于中外當體余言

王堯臣除翰林學士制

勅王者發號裁訓所以風四方而熙衆務也故前代贊辭視草雖
以名臣掌之而其任未著唐以文治始盛禁林之選我朝因舊建
職恩禮老幼須才而召儒者榮之以爾具官王堯臣冲履夷懷清
猷敏行言必可復而有端士之目動率由禮而有古人之風鄉者
旌其藝文弁冠多士更集郡條之最久陪詞館之游使以煩而益
精語其進則無競而自迹其材美擢典命書敷余制以甚明稽作
者而矣愧覆刑讞則輕重皆當提京局則綱領畢修矜于歲勞休
厥朝論宜繇西省之祕進預北門之直爾其蹈賢哲之範思職業
之舉出令之始務切於事幾備對之間勿忘於毗正毋以文翰專
爲汝能往服茂恩以永來譽

郭慎除刑部員外郎制

勅具官郭慎中臺震曹掌天下刑讞分置郎屬許決衆務今雖外
領它局然職望尤峻非奏課之美者未嘗輕授以爾操尚中立資
性外和早富藝文實冠鄉選逮優中辭等隨牒更仕奉已以廉著
居官以幹聞洽成均之業而善誘後來離麗正之書而多得前誤
出貳郡條之寄入參邦計之頒風力愈修般器盡解適稽官簿當
質歲成進陪司寇之職尚贊理財之任祇若余命懋哉爾勤

魏昭昞除方集使制

勅國家嚴武備治軍行參設使名或過于外所以踵唐舊而獎材
臣也以爾具官親昭炳柔謹自將和愿有守早緣戚體之愛升預
禁墀之照煩局所更勞薄可錄嘉宣納之美擢司擯贊之職貳
馬政以有蕃閱兵符而無濫濂形囊奏願假郡麾典輔藩之雄且
稽於善教申先賞之勸宜責於後勤往佩朝恩毋墮世伐

王克基除東上閣門使制

勅漢制謁者有僕射以統其屬今二閣置使通領擯贊之職若功
次爲久則序而升之以爾某官王克基性順而和行廉而固早緣
勲戚之績優服軒墀之列九任于事率能其稱既登武材益集官
最錄其勤舊優以褒遷宜升左闈之崇更示橫班之寵勉修而效
以對朕恩

龍昌期等授武國子四門助教制

勅益州進士龍昌期等夫舉高節顯儒行使聞者知善必期報躡
然有嚮道之心國之良教也以爾等學以爲己名不求達或治業
有本而盡經府之奧或誨人甚廣而爲州塾所稱白首無違環堵
自樂屬使報之云復亦鄉譽以來聞宜獻辭遠俗之風惜綴上庠
之籍服余甄命以克其終

夏隨除觀察使制

勅古之君天下者以幅員之廣慮耳目之所未究也故分道遣使
舉吏之臧不候民之病利而達于上有唐憲察之選蓋其任也今
職廢爲官名品逾重非簡時傑賞舊勞則罔或命焉以爾具官夏
隨器懷沉敏行實端方早圖世勳階籍禁列朕肇開儲邸釋相賓
儀逮于纂承亟用甄擢而能勤劬自謹謙畏不矜精力一心局事
毋曠掌武選則銓藻有叙統邊戍則綏御得宜間以親嫌歸奉朝

請方試才而思用爰先賞以勸功俾正觀風之名往蒞作藩之寄
噫銜寵則其悔必速修政則厥庸乃豐善宣教條用服予訓

李端意除西上閤門使制

勅典禁闈之籍辨廷謁之儀寵建使名實甄材彥以爾具官李端
原操尚冲約業履淳篤襲世資而動守禮法居戚范而行同寒素
勤辦乃事孝聞於家會以歲勞宜有恩進爰崇宮闈之秩兼厚沁
園之親訓緝兵團仍茲舊職爾其以己能思效以忠訓自修則百
辟四方知朕不私於賞也

吳有隣除駕部員外郎制

勅具官吳有隣國家推公以馭群吏責實而張課法惟後勤已效
則前過可忘以爾早擢儒科久參朝序寢階即省出領部符自抵
憲條得原慶典降居筦推之任用推技弼之恩省躬甚明祗為無

懈念歲勞之克著稽賞務以當遷進升司僕之曹且示懋官之訓
體予甄錄吏務檢脩

王果除諸司使制

勅具官王果以經藝之長升于仕版以法令之允實彼朝綏方任
幹明之才式推奇正之學遂移閩籍更服禁聯俾司邊壘之雄善
無兵屯之肅載稽勞薄優進寵階宜欽增秩之恩勉著安民之效

江中立除祕書丞制

勅具官江中立國家用人之法必稽史考之善否而升黜之苟最
有可稱則賞亦宜信以爾業文中第累勤莅官鄉參史觀之聯遠
賦絲同之政為肩歲聞嘗較治能即遷本丞實宜通序宜思恪謹
以副寵甄

高繼隆除諸司使制

勅具官高繼隆早服禁脔勤修吏最存委典戎之任備觀經武之
能西垂制衝鈴策爲重宜正使名之授往提師律之嚴勉效爾爲
勿孤余獎

韓鑑除祥符縣主簿制

勅具官韓鑑早繇蔭補方限選條屬乃家嚴雁喜使任顧蜀道之
遠且有庇宗之祈惟赤邑之雄願承勾簿之之宜旌寵寄俾漸仕
階

穆恩齊除大理寺丞制

勅具官穆恩齊曉城旦之書而升仕階宰縣同之政而集官最薦
章交上參應恩格廷尉之屬交選甚清用疇爾勞其報余賞

陳道古除大理寺丞制

勅具官陳道古早修門法來服仕階備丞率於卿聯幹財煩於京

務職勞其著謀格當遷理官司平選屬爲謹往虔恩賞勤紹世風

柯慶文除著作佐郎制

具官柯慶文早決雋科荐居官次遠從州辟勤著吏能屢閱薦章
來稱美課約史有貳於仕尤清信吾賞祿旌爾成效

燕褒除大理評事制

勅具官燕褒以爾早緣蔭格褒服仕涂預禮絕之貞最成來上陪
卿棘之議恩陟宜優往踐榮階更圖爾效

李迪曾祖在欽贈太師制

勅王者躬郊禘之祀答神靈之休美莫敢專以明尊上之義孝而
能饗蓋達奉先之誠因是廣恩庶能知教矧惟丞弼之舊方均左
右之勞用舉徽章賁于曾世具官李迪曾祖贈太傅在欽冲懷弗
競潛德甚高天爵之修遂忘於君任家善之積爰啓於孫謀是生

忠實之臣存正鈞衡之位歸辭台路往歿國藩宜享煥號之文特
需寵親之澤維師命秩飾壤推榮英魄想存尚克敬荷

曾祖母潘氏追封曾國太夫人制

勅迺者寶元之仲景至協辰有事泰壇昭答靈貺均慶方夏漏澤
泉壤所以勸臣勞而軌諱孝治也具官李其曾祖母潘氏壘儀咸
備家範早修謹婦道以可宗監女圖而母越善祥有報良嗣聿興
爲時正人作朕賢弼適優賢於邦翰屬展采於陽郊增崇曲阜之
封姑慰幽塗之魄

祖令珣贈中書令制

勅朕嚴祀紫壇祗裸清廟精意以感故瑞福永况慶澤所被故幽
明必通矧公台亮直之臣寵藩翰撫綏之寄宜褒祖德載厚恩章
具官李其祖贈太師令珣志行醇深襟懷信實卓升仕版進服朝

聯當藝祖之開基指僭邦而伐罪曩陳奇策簡在聖心計府商功
邦財增羨郡條賦政民瘼必蠲彌嘉異等之勞將圖不次之用位
未充量遽歎於云亡善及于孫果彰於有後荐登爰立之任方倚
干宣之良肆類克成顯親有典式正鳳池之拜庶光馬鬣之封魂
兮有知欽此優命

祖母白氏追封國太夫人制

勅郊報之重陟配有嚴朝渙所均上下咸暨推是及先之寵存乎
勸後之經且官李其祖母白氏德稟柔明性軌諱淑茂嬪于今族
綽有懿風惟慈德之流先祐孝孫而興緒入爲良輔謀必盡忠出
殿大邦惠深及物祀儀方舉慶典惟行宜旌祖妣之賢載易國封
之大魂而不昧服我恩休

祈隔道場白文

伏以花雨稱祥適丁於令節貝文演妙虔奉於真詮爰擇淨居式
延開士贊佛乘之利益助宸歷之鴻長伏惟尊號皇帝陛下仁惠
宅中睿明臨下謹天經而軌範治設神理以寧人書象寬刑協敷
於邦教斷雕與儉不變於民風屬端月之肇新願絲區之咸乂群
靈俱泰庶務交修思與黎氓同均瑞福啓法筵於紺宇來寶施於
丹闈集此勝因仰資盛日皇帝伏願聖猷永茂皇緒寢昌慧日破
昏遐應於煦育慈雲陰物畢遂於蕃滋九居普率之間共洽熙平
之化

祈福道場功德疏文

伏以金繩闢宇式見於莊嚴貝葉披文爰資於勝利屬聖神之撫
運顧景序之方春庶職熙康萬靈和樂順茲佳節虔禮真乘修淨
供以惟嚴輯喜因而彌衍伏願覺慈廣覆慧力周施錫無疆之休

增延於睿歷演其盛之福普及於蒸民凡在幅員永符歸嚮

安陽集卷第四十

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88

89

90

91

92

93

94

95

96

97

98

99

100

